

發智論

才十五

三百五十五  
兄五

50274





阿毗達磨發智論卷第十五

尊者迦多衍尼子造 三藏法師 玄奘奉 詔譯

根蘊第六中有納息第二

得一徧知三

沙門果九節

四智法類智

緣相應五門

學無學根得

無間證四果

幾根斷滅起

此章願具說

欲有相續最初得幾業所生根荅卵生胎生  
濕生得二化生得六或七或八無形  
六無色有相續最初得幾業所生根荅一頗  
思惟欲界繫法徧知欲界耶荅徧知徧知色  
界耶荅不徧知徧知無色界耶荅不徧知頗





思惟色界繫法徧知色界耶荅徧知徧知欲  
界耶荅徧知徧知無色界耶荅不徧知頗思  
惟無色界繫法徧知無色界耶荅徧知徧知  
欲界耶荅不徧知徧知色界耶荅徧知幾根  
徧知欲界荅世俗道七無漏道八幾根徧知  
色界荅世俗道七無漏道十幾根徧知無色  
界荅十一徧知欲界時徧知幾根荅四徧知  
色界時徧知幾根荅五徧知無色界時徧知  
幾根荅八

幾根得預流果荅九幾根得一來果荅若倍  
離欲染入正性離生者九若從預流果得一  
來果者世俗道七無漏道八幾根得不還果



答若已離欲滌入正性離生者九若從一來  
果得不還果者世俗道七無漏道八幾根得  
阿羅漢果答十一得預流果徧知幾根答無  
得一來果徧知幾根答無得不還果徧知幾  
根答若已離欲滌入正性離生者無若從一  
來果得不還果者四得阿羅漢果徧知幾根  
答八諸根得預流果此根得彼果已當言成  
就當言不成就答解脫道攝者當言成就無  
間道攝者當言不成就諸根得一來果不還  
果阿羅漢果此根得彼果已當言成就當言  
不成就答解脫道攝者當言成就無間道攝  
者當言不成就諸根得預流果此根斷何界

結荅色無色界或無此根何果攝荅預流果  
或無諸根得一來果此根斷何界結荅欲界  
或色無色界或無此根何果攝荅一來果或  
無諸根得不還果此根斷何界結荅欲界或  
色無色界或無此根何果攝荅不還果或無  
諸根得阿羅漢果此根斷何界結荅無色界  
或無此根何果攝荅阿羅漢果或無得預流  
果時所捨諸根此根斷何界結荅欲界或色  
無色界或無此根何果攝荅無得一來果時  
所捨諸根此根斷何界結荅欲界或色無色  
界或無此根何果攝荅預流果或無得不還  
果時所捨諸根此根斷何界結荅欲界或色



無色界或無此根何果攝荅一來果或無得  
阿羅漢果時所捨諸根此根斷何界結荅色  
界或無色界或無此根何果攝荅不還果或  
無得預流果時所得諸根此根斷何界結荅  
無此根何果攝荅預流果或無得一來果時  
所得諸根此根斷何界結荅無此根何果攝  
荅一來果或無得不還果時所得諸根此根  
斷何界結荅無此根何果攝荅不還果或無  
得阿羅漢果時所得諸根此根斷何界結荅  
無此根何果攝荅阿羅漢果或無諸預流者  
所成就根此根斷何界結荅欲界或無此根  
何果攝荅預流果或無諸一來者所成就根

此根斷何界結荅欲界或無此根何果攝荅  
一來果或無諸不還者所成就根此根斷何  
界結荅色界或無色界或無此根何果攝荅  
不還果或無諸阿羅漢所成就根此根斷何  
界結荅無此根何果攝荅阿羅漢果或無諸  
預流者斷結諸根此根斷何界結荅欲界此  
根何果攝荅無諸一來者斷結諸根此根斷  
何界結荅欲界此根何果攝荅無諸不還者  
斷結諸根此根斷何界結荅色界或無色界  
此根何果攝荅無諸預流果所攝諸根此根  
斷何界結荅無諸一來果不還果阿羅漢果  
所攝諸根此根斷何界結荅無



諸苦智是於苦無漏智耶設於苦無漏智是  
苦智耶答諸苦智是於苦無漏智有於苦無  
漏智非苦智謂於苦知集智諸集智是於集  
無漏智耶設於集無漏智是集智耶答諸集  
智是於集無漏智有於集無漏智非集智謂  
於集知苦智諸滅智是於滅無漏智耶答如  
是設於滅無漏智是滅智耶答如是諸道智  
是於道無漏智耶答如是設於道無漏智是  
道智耶答如是

諸根無漏緣欲界繫此根法智相應耶設根  
無漏法智相應此根緣欲界繫耶答應作四  
句有根無漏緣欲界繫此根非法智相應謂

苦法智忍及相應根苦法智集法智忍及相  
應根集法智有根無漏法智相應此根不緣  
欲界繫謂滅道法智相應根有根無漏緣欲  
界繫此根亦法智相應謂苦集法智相應根  
有根無漏不緣欲界繫此根亦非法智相應  
謂苦類智忍苦類智及二相應根集類智忍

集類智及二相應根滅法智忍及相應根滅  
法智滅類智忍滅類智及二相應根道法智  
忍及相應根道法智道類智忍道類智及二  
相應根  
諸根無漏緣色無色界繫此根類智相應耶  
設根無漏類智相應此根緣色無色界繫耶



答應作四句有根無漏緣色無色界繫此根  
非類智相應謂苦類智忍及相應根苦類智  
集類智忍及相應根集類智有根無漏類智  
相應此根不緣色無色界繫謂滅道類智相  
應根有根無漏緣色無色界繫此根亦類智  
相應謂苦集類智相應根有根無漏不緣色  
無色界繫此根亦非類智相應謂苦法智忍  
苦法智及二相應根集法智忍集法智及二  
相應根滅法智忍滅法智及二相應根滅類  
智忍及相應根滅類智道法智忍道法智及  
二相應根道類智忍及相應根道類智  
法智當言法智耶當言類智他心智世俗智

苦智集智滅智道智耶答當言法智或他心  
智苦智集智滅智道智當言有尋有伺無尋  
唯伺無尋無伺耶答當言三種當言樂根相  
應喜根相應捨根相應耶答當言三種當言  
空無願無相相應耶答當言三種當言緣欲  
界繫緣色界繫緣無色界繫緣不繫耶答當  
言緣欲界繫或不繫

類智當言類智耶當言法智他心智世俗智  
苦智集智滅智道智耶答當言類智或他心  
智苦智集智滅智道智當言有尋有伺無尋  
唯伺無尋無伺耶答當言三種當言樂根相  
應喜根相應捨根相應耶答當言三種當言



空無願無相相應耶。答當言三種。當言緣欲  
界繫緣色界繫緣無色界繫緣。不繫耶。答當  
言緣色無色界繫。或不繫時。心解脫。當言學  
根得無學。根得學無學。根得耶。答當言學無  
學。根得不動心解脫。當言學根得無學。根得  
學無學。根得耶。答若本得不動。當言學無學。  
根得若時解脫。阿羅漢得不動。當言無學。根  
得一切結盡。當言學根得無學。根得學無學。  
根得耶。答當言學無學。根得以無間道證預  
流果。乃至阿羅漢果。此道當言法智相應。類  
智他心智。世智。苦智。集智。滅智。道智。相應  
耶。當言有尋。有伺。無尋。唯伺。無尋。無伺。耶。當

言樂根喜根捨根相應耶當言空無願無相  
相應耶當言緣欲界繫色界繫無色界繫不  
繫耶答以無間道證預流果此道當言忍相  
應有尋有伺捨根相應無願相應緣不繫以  
無間道證一來果若倍離欲染入正性離生  
者如證預流果說若從預流果以世俗道證  
一來果此道當言世俗智相應有尋有伺捨  
根相應緣欲界繫若從預流果以無漏道證  
一來果此道當言法智相應或苦智或集智  
或滅智或道智相應有尋有伺捨根相應或  
空或無願或無相相應或緣欲界繫或緣不  
繫以無間道證不還果若已離欲染入正性



離生此道當言忍相應或有尋有伺或無尋  
唯伺或無尋無伺或樂根相應或喜根相應  
或捨根相應無願相應緣不繫若從一來果  
以世俗道證不還果者如以世俗道證一來  
果說若從一來果以無漏道證不還果者如  
以無漏道證不還果說以無間道證阿羅漢  
果此道當言或法智相應或類智或苦智或  
集智或滅智或道智相應或有尋有伺或無  
尋唯伺或無尋無伺或樂根或喜根或捨根  
相應或空或無願或無相相應或緣無色界  
繫或緣不繫

幾根永斷滅起得預流果若無根永斷七根

滅起一滅不起一起不滅得預流果幾根永  
斷滅起得一來果若倍離欲染入正性離  
生者如證預流果說若從預流果以世俗道  
證一來果無根永斷亡根滅起得一來果若  
從預流果以無漏道證一來果無根永斷八  
根滅起得一來果幾根永斷滅起得不還果  
若已離欲染入正性離生無根永斷七根  
滅起一滅不起一起不滅得不還果若從一  
來果以世俗道證不還果不入靜處四根永  
斷七根滅起得不還果若入靜慮四根永斷  
六根滅起一滅不起一起不滅得不還果若  
從一來果以無漏道證不還果不入靜慮四



根永斷八根滅起得不還果若入靜慮四根  
永斷七根滅起一滅不起一起不滅得不還  
果幾根永斷滅起得阿羅漢果若依未至  
證阿羅漢果一根永斷七根永斷滅起一滅  
不起一起不滅得阿羅漢果如依未至依靜  
慮中間第四靜慮三無色定亦尔若依初靜  
慮證阿羅漢果二根永斷六根永斷滅起一  
根滅起一滅不起一起不滅得阿羅漢果如  
依初靜慮依第二第三靜慮亦尔

根蘊第六中觸納息第三

十六觸相攝

根相應成就

徧知滅作證

此章願具說

有十六觸謂有對觸增語觸明觸無明觸非  
明非無明觸愛觸恚觸順樂受觸順苦受觸  
順不苦不樂受觸眼觸耳觸鼻觸舌觸身觸  
意觸云何有對觸荅五識身相應觸云何增  
語觸荅意識身相應觸云何明觸荅無漏觸  
云何無明觸荅染污觸云何非明非無明觸  
荅不染有漏觸云何愛觸荅貪相應觸云何  
恚觸荅瞋相應觸云何順樂受觸荅樂受相  
應觸云何順苦受觸荅苦受相應觸云何順  
不苦不樂受觸荅不苦不樂受相應觸云何  
眼觸荅眼識身相應觸云何耳觸荅耳識身  
相應觸云何鼻觸荅鼻識身相應觸云何舌



觸荅舌識身相應觸云何身觸荅身識身相  
應觸云何意觸荅意識身相應觸

有對觸攝幾觸乃至意觸攝幾耶荅有對觸  
攝六觸全七觸少分增語觸攝三觸全七觸  
少分明觸攝明觸全四觸少分無明觸攝三  
觸全十一觸少分非明非無明觸攝非明非  
無明觸全十一觸少分愛觸攝愛觸全十一  
觸少分恚觸攝恚觸全十一觸少分順樂受  
觸攝順樂受觸全十二觸少分順苦受觸攝  
順苦受觸全十一觸少分順不苦不樂受觸  
攝順不苦不樂受觸全十三觸少分眼觸攝  
眼觸全八觸少分如眼觸耳鼻舌身觸亦八

意觸攝三觸全七觸少分

有對觸幾根相應乃至意觸幾根相應耶答  
有對觸一根全八根少分相應增語觸五根  
全八根少分相應明觸三根全九根少分相  
應無明觸六根少分相應非明非無明觸十  
二根少分相應愛觸四根少分相應恚觸四  
根少分相應順樂受觸二根全九根少分相  
應順苦受觸二根全六根少分相應順不苦  
不樂受觸一根全九根少分相應眼觸九根  
少分相應如眼觸耳鼻舌身觸亦亦意觸五  
根全八根少分相應

諸根因有對觸此根有對觸相應耶設根有



對觸相應此根因有對觸耶荅諸根有對觸  
相應此根因有對觸有根因有對觸此根非  
有對觸相應諸根因有對觸餘觸相應及異  
熟生無所緣如有對觸除二觸餘十三觸亦  
亦諸根因明觸此根明觸相應耶荅如是設  
根明觸相應此根因明觸耶荅如是諸根因  
非明非無明觸此根非明非無明觸相應耶  
設根非明非無明觸相應此根因非明非無  
明觸耶荅諸根非明非無明觸相應此根因  
非明非無明觸有根因非明非無明觸此根  
非非明非無明觸相應謂根因非明非無明  
觸異熟生無所緣

諸成就此類眼根彼成就此類身根耶設成  
就此類身根彼成就此類眼根耶答應作四  
句有成就此類眼根非此類身根謂生欲界  
不得眼根設得已失得色界眼有成就此類  
身根非此類眼根謂生欲界不得眼根設得  
已失不得色界眼有成就此類眼根亦此類  
身根謂生欲界眼根已得不失若生色界有  
非成就此類眼根亦非此類身根謂生無色  
界如眼根耳根亦亦諸成就此類鼻根彼成  
就此類身根耶設成就此類身根彼成就此  
類鼻根耶答若成就此類鼻根彼成就此類  
身根有成就此類身根彼不成成就此類鼻根



謂生欲界不得鼻根設得已失諸鼻根舌根亦尔

地獄成就幾根傍生乃至諸無色隨信行乃至俱解脫成就幾根荅地獄極多十九極少八傍生極多十九極少十三鬼界亦尔斷善根者極多十三極少八邪定聚極多十九極少八正定聚極多十九極少十一不定聚極多十九極少八瞻部洲極多十九極少八毗提訶洲瞿陀尼洲亦尔俱盧洲極多十八極少十三四大王衆天極多十九極少十七三十三天夜摩天覩史多天樂變化天他化自在天亦尔梵衆天極多十六極少十五極光

淨天亦尔徧淨天極多十六極少十四廣果  
天極多十六極少十三中有極多十九極少  
十三諸無色極多十一極少八隨信行極多  
十九極少十三隨法行亦尔信勝解極多十  
九極少十一見至亦尔身證極多十八極少  
十一慧解脫俱解脫亦尔

眼根乃至慧根得徧知時幾根得徧知耶荅  
眼根得徧知時至離色染五根得徧知耳鼻  
舌身根亦尔女根得徧知時至離欲染四根  
得徧知男根苦根憂根亦尔命根得徧知時  
至離無色染八根得徧知意根捨根信等五  
根亦尔樂根得徧知時至離徧淨染即樂根



得徧知喜想得徧知時至離極光淨染即喜  
根得徧知眼根乃至慧根滅作證時幾根滅  
作證耶荅眼根滅作證時至離色染五根滅  
作證至阿羅漢十九根滅作證耳鼻舌身根  
亦尔女根滅作證時至離欲染四根滅作證  
至阿羅漢十九根滅作證男根苦根憂根亦  
尔命根滅作證時至阿羅漢十九根滅作證  
意根捨根信等五根亦尔樂根滅作證時至  
離徧淨染即樂根滅作證至阿羅漢十九根  
滅作證喜根滅作證時至離極光淨染即喜  
根滅作證至阿羅漢十九根滅作證  
根蘊第六中等心納息第四

等心壽二定

無想攝相應

界死生涅槃

此章願具說

一切有情心當言等起等住等滅耶荅如是  
有貪心離貪心當言等起等住等滅耶荅如  
是有瞋離瞋有癡離癡略散下舉小大掉不  
掉不靜靜不定定不修修不解脫解脫心當  
言等起等住等滅耶荅如是  
壽當言隨心轉不隨心轉耶荅不隨心轉當  
言隨相續轉爲一起便住耶荅若欲界有情  
不住無想滅盡等至當言隨相續轉若住無  
想滅盡等至及色無色界有情當言一起便  
住住無想滅盡等至壽當言轉爲住耶荅當



言轉如世尊說人壽漸盡如小河水若諸有情壽起便住云何知彼壽漸盡耶答由世盡劫盡故

入無想定幾根滅答七何繫心心所滅答色界繫出無想定幾根現前答七何繫心心所現前答色界繫入滅盡定幾根滅答七何繫心心所滅答無色界繫出滅盡定幾根現前答或七或八有漏心七無漏心八何繫心心所現前答或無色界繫或不繫生無想定天幾根滅答八何繫心心所滅答色界繫幾根現前答八何繫心心所現前答色界繫無想定天幾根滅答八何繫心心所滅

蒼色界繫幾根現前蒼或八或九或十無形  
八一形九二形十何繫心心所現前蒼欲界  
繫無想有情生時當言有想耶無想耶蒼當  
言有想如卍尊說彼諸有情由想起故從彼  
處歿從彼歿時彼想當言滅耶不滅耶蒼當  
言滅當言任何處彼想滅耶蒼當言即任彼  
處彼想當言善為無記耶蒼或善或無記彼  
想幾隨眠隨增蒼色界有漏緣幾結繫蒼六  
如卍尊說一切有情皆由食住無想有情由  
何食住蒼觸意思識  
眼根攝幾根乃至具知根攝幾根蒼眼根攝  
眼根如眼根耳鼻舌命苦憂根亦亦身根攝



三根女根攝女根身根少分如女根男根亦  
余意根攝意根三根少分如意根樂喜捨根  
信等五根亦余未知當知根攝未知當知根  
九根少分如未知當知根已知根具知根亦  
余信力乃至慧力念等覺支乃至捨等覺支  
正見乃至正定法智乃至道智空無願無相  
攝幾根若信力攝一根三根少分如信力餘  
四力亦余念等覺支攝四根少分如念等覺  
支擇法精進喜定等覺支亦余餘不攝根正  
見攝四根少分如正見正勤念定亦余餘不  
攝根法智攝四根少分如法智類智苦集滅  
道智亦余他心智攝三根少分世俗智攝一

根少分空攝四根少分如空無願無相亦亦  
意根幾根相應乃至具知根幾根相應若意  
根十根三根少分相應樂喜捨根九根少分  
相應苦根憂根六根少分相應信根四根九  
根少分相應如信根精進念定慧根亦亦未  
知當知根與未知當知根九根少分相應如  
未知當知根已知根具知根亦亦信力乃至  
慧力念等覺支乃至捨等覺支正見乃至正  
定法智乃至道智空無願無相幾根相應若  
信力四根九根少分相應如信力餘四力亦  
亦念等覺支十一根少分相應如念等覺支  
擇法精進定等覺支亦亦喜等覺支九根少



分相應安捨等覺支三根九根少分相應正  
見十一根少分相應如正見正思惟正勤正  
定亦亦餘非根相應法智十一根少分相應  
如法智類智苦集滅道智亦亦他心智十根  
少分相應世俗智二根八根少分相應空無  
願無相十一根少分相應

欲界沒生欲界時幾根滅荅或四或九或八  
或十三或九或十四或十五漸命終者無記  
心四善心九頓命終者若無形無記心八善  
心十三若一形無記心九善心十四若二形  
無記心十善心十五何繫心心所滅荅欲界  
繫幾根現前荅或八或九或十無形八一形

九二形十何繫心心所現前答欲界繫欲界  
沒生色界時幾根滅答或四或九或十  
四漸命終者無記心四善心九頓命終者無  
記心九善心十四何繫心心所滅答欲界繫  
幾根現前答八何繫心心所現前答色界繫  
欲界沒生無色界時幾根滅答或四或九或  
十四如前說何繫心心所滅答欲界繫幾根  
現前答三何繫心心所現前答無色界繫色  
界沒生色界時幾根滅答或八或十三無記  
心八善心十三何繫心心所滅答色界繫幾  
根現前答八何繫心心所現前答色界繫色  
界沒生欲界時幾根滅答或八或十三如前



說何繫心心所滅。答色界繫幾根。現前答或  
八或九或十。如前說何繫心心所現前。答欲  
界繫色界沒生無色界時幾根。滅答或八或  
十三。如前說何繫心心所滅。答色界繫幾根  
現前。答三何繫心心所現前。答無色界繫無  
色界沒生無色界時幾根。滅答或三或八。無  
記心三善心八何繫心心所滅。答無色界繫  
幾根。現前。答三何繫心心所現前。答無色界  
繫無色界沒生欲界時幾根。滅答或三或八  
如前說何繫心心所滅。答無色界繫幾根。現  
前。答或八或九或十。如前說何繫心心所現  
前。答欲界繫無色界沒生色界時幾根。滅答

或三或八如前說何繫心心所滅。若無色界繫幾根現前。若八何繫心心所現在前。若色界繫阿羅漢般涅槃時幾根最後滅。若四或九或八或三欲界漸般涅槃者四頓般涅槃者九色界八無色界三

根蘊第六中一心納息第五

相應緣不離

不修修得根

捨得未知根

五門辯三智

初盡無生智

盡無生所緣

七正平等相應

此章願具說

諸法與心一起一任一滅。彼法與心相應耶。若法與心相應。彼法與心一起一任一滅。有法與心一起一任一滅。彼法非心相應。謂



隨心轉色心不相應行諸法與心一起一住  
一滅彼法與心一所緣耶荅若法與心一所  
緣彼法與心一起一住一滅有法與心一起  
一住一滅彼法非心一所緣謂隨心轉色心  
不相應行諸法與心俱起不離心彼法與心  
俱住俱滅不離心耶荅欲色界有情不住無  
想滅盡定者諸根大種與心俱起不離心與  
心俱住俱滅不離心若住無想滅盡定者彼  
便離心

如說不修眼根乃至身根云何不修眼根乃  
至身根荅若於眼根未離貪未離欲潤喜渴  
又無間道能盡色貪彼於此道未修未安如

不修眼根不修耳鼻舌身根亦尔如說不修  
意根云何不修意根荅若於意根未離貪未  
離欲潤喜渴又無間道能盡無色貪彼於此  
道未修未安如說修眼根乃至身根云何修  
眼根乃至身根荅若於眼根已離貪已離欲  
潤喜渴又無間道能盡色貪彼於此道已修  
已安如修眼根修耳鼻舌身根亦尔如說修  
意根云何修意根荅若於意根已離貪已離  
欲潤喜渴又無間道能盡無色貪彼於此道  
已修已安

諸不成就學根得學根彼一切入正性離生  
耶荅若入正性離生彼一切不成就學根得



學根有不成就學根得學根彼非入正性離  
生謂退阿羅漢果時諸不成就學根得學根  
彼一切世第一法等無間耶荅若世第一法  
等無間彼一切不成就學根得學根有不成  
就學根得學根彼非世第一法等無間謂退  
阿羅漢果時

諸捨無漏根得無漏根彼一切從果至果耶  
荅若從果至果彼一切捨無漏根得無漏根  
有捨無漏根得無漏根彼非從果至果謂現  
觀邊道類智起時若時解脫阿羅漢練根作  
不動時諸捨無漏根得無漏根彼一切無漏  
根滅無漏根起耶荅應作四句有捨無漏根

得無漏根彼非無漏根滅無漏根起謂退阿  
羅漢不還一來果時及以世俗道得一來不  
還果時有無漏根滅無漏根起彼非捨無漏  
根得無漏根謂已得無漏根現前滅起有捨  
無漏根得無漏根彼亦無漏根滅無漏根起  
謂現觀邊道類智起時及以無漏道得一來  
不還果時得阿羅漢果時時解脫阿羅漢練  
根作不動時有非捨無漏根得無漏根彼亦  
非無漏根滅無漏根起謂除前相  
諸未知當知根彼一切於未現觀四聖諦能  
現觀耶答應作四句有未知當知根彼非於  
未現觀四聖諦能現觀謂未知當知根在過



去或未來有於未現觀四聖諦能現觀彼非  
未知當知根謂諸非根法於未現觀四聖諦  
能現觀有未知當知根彼亦於未現觀四聖  
諦能現觀謂未知當知根於未現觀四聖諦  
能現觀有非未知當知根彼亦非於未現觀  
四聖諦能現觀謂除前相

盡智當言盡智乃至道智耶當言有尋有伺  
乃至無尋無伺耶當言樂根乃至捨根相應  
耶當言空乃至無相相應耶當言緣欲界繫  
乃至緣不繫耶如盡智無生智無學正見亦  
亦若盡智當言盡智或法類智或苦集滅道  
智或有尋有伺或無尋唯伺或無尋無伺或

樂根相應或喜捨根相應或無願相應或無  
相相應或緣欲界繫或緣色無色界繫或緣  
不繫如盡智無生智亦尔無學正見當言無  
學正見或法類他心智或苦集滅道智或有  
尋有伺或無尋唯伺或無尋無伺或樂根相  
應或喜捨根相應或空相應或無願無相相  
應或緣欲界繫或緣色無色界繫或緣不繫  
諸最初盡智彼一切無間道等無間耶荅如  
是設無間道等無間彼一切盡智耶荅如是  
諸最初無生智彼一切盡智等無間耶荅如  
是設盡智等無間彼一切無生智耶荅或盡  
智或無生智或無學正見諸緣彼無間道起



即緣彼初盡智起耶荅若緣生無間道起即  
緣彼初盡智起若不緣生無間道起即不緣  
彼初盡智起諸緣彼盡智起即緣彼無生智  
起耶荅如是設緣彼無生智起即緣彼盡智  
起耶荅如是諸法無學正見相應彼法無學  
正思惟相應耶荅應作四句有法無學正見  
相應非無學正思惟謂無學正見相應正思  
惟及無學正思惟不相應無學正見相應法  
有法無學正思惟相應非無學正見謂無學  
正思惟相應正見及無學正見不相應無學  
正思惟相應法有法無學正見正思惟相應  
謂除無學正見相應正思惟及除無學正思

惟相應正見諸餘無學正見正思惟相應法  
有法非無學正見正思惟相應謂無學正見  
不相應正思惟無學正思惟不相應正見及  
前所不攝心心所法并色無爲心不相應行  
諸法無學正見相應彼法無學正勤相應耶  
荅應作四句有法無學正見相應非無學正  
勤謂無學正見相應正勤有法無學正勤相  
應非無學正見謂無學正見及無學正見不  
相應無學正勤相應法有法無學正見正勤  
相應謂除無學正見相應正勤諸餘無學正  
見相應法有法非無學正見正勤相應謂無  
學正見不相應正勤及前所不攝心心所法



并色無爲心不相應行如對正勤對正念正  
定正解脫亦尔諸法無學正見相應彼法非  
無學正智相應諸法無學正智相應彼法非  
無學正見相應諸法無學正思惟相應彼法  
無學正勤相應耶荅應作四句有法無學正  
思惟相應非無學正勤謂無學正思惟相應  
正勤有法無學正勤相應非無學正思惟謂  
無學正勤相應正思惟及無學正思惟不相  
應無學正勤相應法有法無學正思惟正勤  
相應謂除無學正思惟相應正勤諸餘無學  
正思惟相應法有法非無學正思惟正勤相  
應謂無學正思惟不相應正勤及前所不攝

心心所法并色無爲心不相應行如對正勤  
對正念正定正解脫亦尔諸法無學正思惟  
相應彼法無學正智相應耶荅應作四句有  
法無學正思惟相應非無學正智謂無學正  
思惟相應正智及無學正智不相應無學正  
思惟相應法有法無學正智相應非無學正  
思惟謂無學正智相應正思惟及無學正思  
惟不相應無學正智相應法有法無學正思  
惟正智相應謂除無學正思惟相應正智及  
除無學正智相應正思惟諸餘無學正思惟  
正智相應法有法非無學正思惟正智相應  
謂無學正思惟不相應無學正智無學正智



不相應無學正思惟及前所不攝心心所法  
并色無爲心不相應行諸法無學正勤相應  
彼法無學正念相應耶荅應作四句有法無  
學正勤相應非無學正念謂無學正念有法  
無學正念相應非無學正勤謂無學正勤有  
法無學正勤正念相應謂除無學正勤正念  
諸餘無學正勤正念相應法有法非無學正  
勤正念相應謂前所不攝心心所法并色無  
爲心不相應行如對正念對正定正解脫亦  
尔諸法無學正勤相應彼法無學正智相應  
耶荅應作四句有法無學正勤相應非無學  
正智謂無學正智及無學正智不相應無學

正勤相應法有法無學正智相應非無學正  
勤謂無學正智相應正勤有法無學正勤正  
智相應謂除無學正智相應正勤諸餘無學  
正智相應法有法非無學正勤正智相應謂  
無學正智不相應正勤及前所不攝心心所  
因并色無為心不相應行如正勤正念正定  
亦亦諸法無學正解脫相應彼法無學正智  
相應耶荅應作四句有法無學正解脫相應  
非無學正智謂無學正智及無學正智不相  
應無學正解脫相應法有法無學正智相應  
非無學正解脫謂無學正智相應正解脫有  
法無學正解脫正智相應謂除無學正智相



應正解脫諸餘無學正智相應法有法非無  
學正解脫正智相應謂無學正智不相應正  
解脫及前所攝心心所法并色無為心不相  
應行

說一切有部發智論卷第十五

